


შეშავდა შავი

იხარკის ტყე
ქუჩა № 4
23 იანვარი 1911 წ. ფასი 10 კაპ.

ქოგელ კვირეული გამოცემა

მუთათური „ბალვანი“

1178



ქუთათურ ხმონებს,
ბძენთ, პატონებს,
სჭირთ „თავის“ ადგილს
ცარიელობა.

კაცი ვერ ნახეს,
რომ იმათ სახეს
ერგოს, იკისროს
„თავის“ ხელობა.

ბევრი იფიქრეს,
ბევრი ილონეს...
ბოლოს ვეგ ხერხი
გამოიგონეს:

მონახეს სადღაც
დიდი „ბალვანი“ *)
გარს შემოერთყენ
ვით გალავანი,
და მოუწოდეს
ყველა შექუდეს,
ხომის აღიბა
ვისაცა სურდეს.

შეხედა ერთმა
და გაიბარა...
მეორემ, ახლო
ნახვაც ივარა...
სთქვა: „რას მატყუებთ,
ავი რას გავსო,
ამ „საბალვანოს“
ად ნახავ თავსო“

— კი.

*) „ბალვანი“ ქუდის დაურჯავი ჭკია.
გშმაკი.

მ უ მ ა კ ი ს მ ა ხ ე

„თ ე მ უ ი“

„ურია წყალს მიჰქონდაო, გზაც იქით ჰქონდაო“. მარტო უბრალო ინტერვიუსათვის არ შევსულვარ პატივცემულ „თემის“ რედაქტორ-გამომცემელთან.

ბ-ნი გრიგოლი, ეს განხორციელებული ოცნებაა, ან უკეთ რომა ვსთქვათ, თვით მისივე მოხდენილი სიტყვები რომ ვიხმაროთ, ის „ცხადია მის ოცნებათა აჩრდილისა“!

აღლევება და საქმიანობის მწუხრი ყოველთვის აზის წაუშლელ ნიშნად გრიგოლის მოუსვენარ მოხაზულობას, მაგრამ დღეს, დიახ დღეს, იგი განსაკუთრებულ მღელვარებათა ცხადს (თუ აჩრდილს!) განიცდიდა. მართალი მოგახსენოთ, მე თითონაც დიდი მოყვარული ვარ, როგორც ყოველგვარი მღელვარებისა, აგრეთვე მისი აჩრდილისა და აჩრდილის ცხადისა, თორემ, თუ არ ეს ჩემი მიდრეკილება, უთუოდ უკანვე უნდა გამოვბრუნებულყავი უპურ-მარილოთ.

— ოჰო! ეშმაკს გაუმარჯოს! ჩვეულებრივის აღერსიანობით შემეგება მასპინძელი.

— გაუმარჯოს „თემის“ მბრძანებელს! ვითომ ვიხუმრე, მაგრამ მაშინვევიგრძენი, რომ ეს ხუმრობა არაფრით არ ჩამოუფარდებოდა იმ უკბილო ოხუნჯობას, როგორსაც „სახალხო გაზეთის“ გარდანქმანი ასაღებს ხოლმე. ვიგრძენი და შემრცხვა. სირცხვილიც ხომ კაი საქონელია!

— შენც გინდა კბილი გაგვკრა? ჩვენ სხვა მტრებიც გვეყოფა, ეშმაკო და უხილავო.

— ვერაფერი გავიგე. რომელ მტრებზედა ბრძანებთ?

— რა გითხრა! სიმართლე ვთქვა მტერი არც ვთქმის, მაგრამ როცა მოყვარე მოყვარეს ვეღარ ცნობილობს, მტერზედ უარესი ხდება.

— კიდევ ვერაფერი გავიგე ვინა გყავს სახეში.

— არ წაგიკითხავს, კაცო, „სახალხო გაზეთი“ როგორ მტრულათ შემოგვეგება?

— ნუ თუ?!

— მაშ, კაცო! მოდი და გული ნუ გეტკინება, როცა ასეთ ტლანქ მოსაზრებასა ხედავ ქართულ გაზეთში. დღეს ჩემთვის ცხადზე უცხადესი შეიქნა, რომ ქართველი ხალხი ძლიერ ჩამორჩენილია კულტურის გზაზე და რომ ამისათვის საჭიროა სასტიკი... შუამდგომლობა...

— ვითომ რას გესაყველურებიან?

— ეშმაკმა იცის იმათი თავი! აქაო და ჩვენმა წინაპრებმა რომი გადაარჩინესო, თითონაც ბატებათ მოაქვთ თავი!

— ახირებული პრეტენზიაა თქვენ მზესა ვფიცავ! სასაცილოა, როცა ჩვეულებრივი ქართული ბატი ისტორიული წინაპრებით დაიწყებს ამყობას და ყოყოობას. რისთვისაო? რატომაო? განა მარტო იმ მოსმზრებით, რომ ესენიც ბატები არიან და შემთხვევით იმ ბატთა ჩამომავალნი?

— საქმეც ის არის, რომ ესენი ისე გვანან იმ ისტორიულ ბატებს, როგორც „მწუხრი განთიადსა, უსულო სულიერსა და აჩრდილი მის ცხადსა“. ჰოდა, აი ეს ნაშთები გვიკვირებენ ჩვენ უპრინციპობას.

მე ტანში ჟრუანტელმა დამიარა. ვიფიქრე: ნუ თუ მართლა, თუნდაც „ისტორიულ ბატთა ნაშთებმა“, ასეთი უსამართლო, ასეთი აშკარა უკულმართი მოსაზრება გამოსთქვეს-მეთქი. კარგათ ვიცნობ დღევანდელ საცენზურო პირობებს, ვიცი რისი გამოთქმა შეიძლება, რომ რედაქცია არ დახტურონ, ან რედაქტორი არ დაატუსაღონ, მაგრამ თუ ამის გამოთქმაც შეიძლებოდა, ეს აღარ მეგონა.

გრიგოლ დიასამიძე და უპრინციპობა! ოჰ ღმერთო ჩემო! განა ყველა პრინციპი მისი პრინციპი არ არის? განა არის რაიმე პრინციპი გარეშე მისსა? განა შეიძლება წარმოვიდგინოთ ისეთი დროჟამი, ისეთი წუთიერი მომენტი, ისეთი მდგომარეობათა კომბინაცია, როცა ბ-ნი გრიგოლს თუნდა ერთი დიუჟინი პრინციპი მაინც არა ჰქონდეს თანა? ეს ისეთივე შეუძლებელი რამეა, როგორც ერთ რაიმე პრინციპზე მისი შეჭერება. და აი, შემდგომად ამისა საქართველოში არსებობს ისეთი ორგანო, (თუნდაც „ისტორიულ ბატთა“ ჩამომავლობისა) რომელიც ამგვარ ადამიანს და მის ორგანოს „უპრინციპობას“ უკიჟინებს. გრცხვენოდეთ ბ-ნებო, გრცხვენოდეთ!

— რატო ეგეთი ნაფითრი ფერი დაგედოთ, ბატონო ეშმაკო!

— არაფერია, გაივლის! გული მატკინა „სახალხო გაზეთის“ უსამართლობამ.

— მაშინ სთქვეს, თორემ მეორე დღესვე ბოლიში მოიხადეს. ჯერ სრულიად არ დაუკარგავთ წინაპართა რაინდული ზნე-ჩვეულებანი.

— ბოლიშიც მოიხადეს?

— მოიხადეს მაშ!

კოტათი გული მომიღბა! ვიფიქრე: რაკი ბოლიში მოიხადეს, ცხადია სრულიად არ გამქრალა მათი ისტორიული მემკვიდრეობითი ნაშთები-მეთქი. რედაქციის ხელმძღვანელებმა ხომ მარტო უსამართ-

ლო აზრთა მთესველობა არ უნდა იცოდენ, საჭირო დროს ბოდიშიც უნდა მოიხადონ.

ამის შემდეგ კიდევ კარგა ხანს ვიმუსაიფეთ ამა თუ იმ საჭირ-ბოროტო კითხვათა შესახებ და მადლიერი დავბრუნდი შინისკენ.

ქმბავა.

არ მომკვდარა!..

(შიბაძევა).

ჩემო სატრფოვ, ლამაზო, თმა ხუჭუქო, საუკუნოთ თვალები არ დახუქო!

მე მგონია, ძილს განიცდი, სიზმარსა, გაიღვიძებ, მხოლოდ უცდი ცისკარსა.

ხანგრძლივ ძილში, ვაჰმე, არ გაიპარო და სიობლით გული არ დამიძმარო!

არა... ვიცი, თავს დაახწევ სიზმარსა, გაიღვიძებ, მხოლოდ უცდი ცისკარსა.

ზარს ჩამოჰკრეს! ვაჰ, არ იყოს გლოვისა, საუკუნოთ „მასთან“ გამეთხოვისა!

არა... ის ხმა... ის გაუფრთხობს სიზმარსა, გაიღვიძებს: ელოდება ცისკარსა.

ჩუ! აკენსდა სევდიანათ ბულბული:

„სატრფო მოკვდა; ვარო დაობლებული!!!“

ჩემი სატრფო არ მომკვდარა! სიზმარსა თავს დაახწევს, ელის თავის ცისკარსა.

მო, ცისკარო, შენის წითელ ალამით!

და მეც შემოგვებები სალამით!

ჩემი სატრფოც მაშინ დასძლევს სიზმარსა, როს იხილავს პირ გაბადრულ ცისკარსა.

„არ მომკვდარა, მხოლოდ სძინავს“.. შეიტყვეთ?! აწ შენ, გულო, მძიმე სევდის ნუ ხარ ტყვეთ!

შენი სატრფო თავს დაახწევს სიზმარსა, გაიღვიძებს, როს იხილავს ცისკარსა.

ზარს ჩამოჰკრეს! მესმა ხმა განთიადის!

ჩაქვესკენელდა შავი კუბო წყვილადის...

ჩემი სატრფოც თავს ანებებს სიზმარსა, პირმცინარი ეგებება ცისკარსა!..

ნ ზომლიაული

ღეკეუხევი.

ქიათურა. ადგილობრივ ბანკის ბუხგალტრის თანაშემწეს თ—რე გ—შვილს განუზრახავს გამოიწეროს თფილისიდან საუკეთესო მაგარი ღვინოები, რადგან აქაური თხელი ღვინო იმდენათ გლახათ მოქმედობს, რომ აქამდის მხოლოდ ხიდის მოაჯირისა და ერთი „ტრახტირის“ დამტვრევა მოასწრო.

მართალია მას ამისათვის პრემიაც მიართვეს, მაგრამ კაცის გული ხარბია და განუძღომელი. ეს ეცოტავება, უნდა რამე საგმირო, სატარიელო საქმე მოაგვაროს.

ყვავი.

სამტრედია. დიდი თოვლის გამო დიდი სიცივეები ჩამოდგა. ხალხი ღამის გაიყინოს. ამის გამო ახლად ჩამოსული ბოქაული დიდის ენერგიით ახურებს საზოგადოებას სხვა და სხვა გვარი მასსაყვებით.

სამტრედია. ბედნიერი სროლა! ამ დღეებში აქ ისეთი სროლა ასტეხეს „სტრაჟნიკებმა“, რომ ძველი დრო მოგაგონდებოდა. ხალხი, გულგახეთქილი და დაშინებული საყენიან თოვლში იმალებოდა. გამოირკვა... იცით რა გამოირკვა? გამოირკვა რომ „უჩასტკის“ ბოქაულს ვაჟი შესძენოდა და გარდა ამისა სხვა არავითარი უბედური შემთხვევა არ ყოფილიყო.

კულაში. სიცრუე გამოდგა „ბოროტი ენების“ მიერ გავრცელებული ხმა, თითქო კულაშის სამკითხველო ვირ-თავგებს ჩაეთრიოს სოროში. გამოძიებამ გამოარკვია, რომ ვირ-თავგებს ეს მტაცებლობა მოუხდენიათ ვასო აბაშიძისა და სამკითხველოს გამგის ქიდაობის დროს. დროს შერჩევაც ასეთი უნდა. მაგრამ რაღა დროს შერჩევა, როცა რომ ეს ვაჟბატონები მუდამ ქიდაობენ და კოზაკზე აღარ ფიქრობენ.

სამტრედია. თოვლის მწმენდლებმა გაფიცვა გამოაცხადეს. თხოულობენ ხელფასის მომატებას და სამუშაო დღის შემცირებას. როგორც მიხაკო დეისაძე ამბობს, თუ შეთანხმება არ მოხდა, გაფიცვა ივლისის დამლევამდე გასტანს.

ახია.

მოსკოვი.

ადგილობრივმა ქართულმა კულტურულმა წრემ ამ მოკლე ხანში შემდეგი გამოაცხადა: ა) წვერათ მივიღებთ ყველა ქართველ სტუდენტებს, ვინც არასოდეს კრებას არ დაესწრება, ბ) ვინც ქართული არც ლიტერატურა იცის არც ისტორია, არც აწმყო, არც წარსული და არც უნდა იცოდეს; გ) ვინც მუდამ რუსულათ ლაპარაკობს და ქართული „არ ეხერხება“ (და არც უნდა ეხერხებოდეს), დ) ვინც თავის თავს მხოლოდ მაშინ უწოდებს ქართველს, როცა ქალებს ეარშიყება. (მოგესტენებათ „გრუზინს“ სილამაზის ბირყაზე და ენებათა დაუცხრომელობაში რუსის ქალები ძალიან აქებენ) ე) და ყველა იმათ, „ვინც „სამშობლოზე“ ყოველ წუთს მზათაა რუსულათ გეტყუინოს და როცა კი საქმე-საქმეზე მიდგება მაშინ „რა ვქნა, სამსახურის კაცი ვარო“ გეტყვის.

გმმაკიძე.

შ ე მ ჩ ე ნ კ ო ლ ა ნ .

დღე დღესა მარხავს და ღამე ღამეს,
განვეთიშევი შავ თვალებს, ზაფხულს...
მწვანე ფოთოლი ხეს ჩამოაქცნა,
ფიქრს მიელულა, ჩაეძინა გულს.

ყველაფერს სძინავს... ნეტავ ვიცოდე,
თუ ჩემი სული სცოცხლობს, არ გაქრა?
გულმკვდარი ვუცქერ ქვეყნიერებას:
ველარ ვიცინი და ცრემლიც გაშრა.

სად არის ამ ღროს ის ჩემი ბედი?
ნუ თუ განგებამ აღარ მიჩინა?...
მაგრამ თუ კარგის არ ვიყავ ღირსი,
ბოროტმა მაინც სად მიიძინა?

ოჰ, განგებო! გზა, გზა მიჩვენე,
ნუ დამიმიწებ ფუქად ამ ჩემს გულს,
ნულარ მომაკლებ სახელს კაცისას,
ნუ, ნუ გამაქრობ უსარგებლოთ კრულს!

საზარელია, ზეცავ, მონობა,
უარეს ძილი თავისუფალის...
ვინც ამ ქვეყანას უკვალოთ სტოვებს,
მისი სიცოცხლე სიკვდილი არის

ვ. მალაქიაშვილი.



თაგუნას რომანი

რ. მდენიმე ნაწილიანი, ფრიად სენსაციური და ერთობ
ნიჭიერათ დაწერილი.

ნაწილი პირველი.

კ ა რ ი I,

აშკლიც მოზარდ თაბას და კდეუმოსიღ ქაღწულებს არ
წყაიითხებათ.

— ახლა კი კმარა, ღროა! გაიფიქრა მან და
ველათ მოწყდა ქეთევანის ნორჩ გულ-მკერდს.
მეუმჩხ ასე
რებაი. — ნახ ვამდის, ჩემო ნექტარო! დაღამებამდის
ველარ დავეწ
მკერდს!

— ნახ ვამდის, ჩემო ნექტარო! დაღამებამდის
ველარ დავეწ
მკერდს!
უკანასკნელათ გადაავლო თვალი წელ-ზევით

შიშველს მძინარე ქეთევანს და მოავგონდა სოლო-
მონ ბრძენის სიტყვები:

„იყვენ ძუძუნი შენნი, ვითარცა ტევანნი ვე-
ნახისანი“!

მერე მიაღწევს კი დაღამებამდის? მუდამ
საფრთხესა და შიშში მყოფი, უღმობელი მტრებით
გარს შემორტყმული, მტრებით, რომელნიც სანთ-
ლით დაქებენ, რათა ერთის დაკვრით მოჰკლან,
გასრისონ შეუბრალებლათ და შეუწანებლათ! რას
ერჩიან საბრალოს? ვის რა ხელი აქვს მის ბედნიე-
რებასთან! დეე, აცალონ, სანამ უღმობელი სიკვ-
დილი არ მოვა, თავდავიწყებამდე სწოვოს კეკლუცი
ქალის სიტკბოება!...

მაცდურმა აზრმა გაურბინა:

— იქნებ ჯერ ადრეა! არც კი გათენებულა
კარგათ, მოდი ფეხებისაკენ ჩაეცოცდე! ის იყო და-
აპირა ჩაეცოცება, რომ უეცრივ მძინარე ქალი შეიშ-
მუნა.

შეჩერდა სულ-განაბული. ერთი წუთი საუ-
კუნეთ გაგრძელდა. გული საშინლათ უფეთქავდა და
აზროვნების ნიჭი დაჰკარგა.

— ვაი, თუ გაიღვიძოს და დამინახოს... სიკვ-
დილი! სიკვდილი!

მადლობა ღმერთს! საფრთხემ ჩაიარა. მძინარე
ქალმა ერთი ღრმით ამოისუნთქა და მარმარილოს
მკლავი ლოგინიდან გადაუვარდა.

მადლობა ღმერთს, ჯერ კიდევ ვცხოვრობთ!
ფიქრობდა ის და ფეხ-აკრეფით მიეცოცავდა საზაფ-
ხულო საბნის კიდებზე. თავბრუ ესმოდა და ნამეტა-
ნი გაძლომისაგან გულის რევასაც გრძნობდა.

ჯერ შეიდასი ნაბიჯიც არ გაეფლო, როცა უკა-
ნიდან რაღაც საექვეო შრიალი მოესმა.

— ვაი, დავიღუპე, გაიფიქრა მან და გაციმ-
კამდა.

— ახლა კი ველარ გადავრჩები. ეს ქურდული,
შემპარავი შრიალი კარგს არაფერს მოაწავებს.

ბედს დაემორჩილა. მუდამ შიშსა და განსაც-
დელში ცხოვრებამ მის აზროვნებაში ფატალისტური
შეხედულება გაამეფა.

— „ბედი ჩემი ზეცაში სწერია“ — გაიფიქრა მან
და თვალები ოთახის კერს მიაპყრო, რადგანაც ბალ-
ლინჯოების ზეცა ოთახის კერია.

— თუ ახლა მიწერია სიკვდილი, ბედს მაინც
ვერ წაუვალ: მოვკვდები უდრტენველათ!

— ხა-ხა-ხა! მოესმა გვერდით ხარხარი. მიიხედა
და დაინახა მასავით ძალზე გაბერილი, წითელ ქარ-
ვასავით გამსჭვირვალე ბალინჯო.

— ხა-ხა-ხა! ძალიან არ დაფაფრთხე? რა სასა-

ცილო იყავი! ხა-ხა-ხა!

გაბიბრებულმა ბაღლინჯომ უბირველეს ყოვლისა შეურაცხყოფილი თავმოყვარეობის გრძნობა განიცადა. შემდეგ ბრაზი მოერია და ქეთევანის სისხლი ყელში მოაწვა. მაინც და მაინც დასძლია თავს და ფილოსოფიური სიღინჯით შენიშნა:

— პატიოსანმა ბაღლინჯომ არ უნდა იკისროს თავის თანამემამულის წმინდა გრძნობათა სასაცილოთ აღება!

რათ წამოისროლა ეს მაღალ ფარდოვანი სიტყვები, თითონაც არ იცოდა, მაგრამ გრძნობდა კი, რომ რაღაც მეტათ ბრძნული და ღრმა აზრი წარმოსთქვა, უგუნებობამ გაუარა და მედიდურობისა და კმაყოფილებისაგან კიდევ უფრო გაიბერა და წითელი ფერი მუქათ შეიცვალა.

— უკაცრავთ, მამატიე... წაიღელღელა ახალმოსულმა და გაიფიქრა: რა შევნიერი ლაპარაკი იცის! როგორი ქვიანია! მთელს საბაღლინჯოში არ მოიძევა მაგვარი ნიჭიერი ბაღლინჯო.

— წავიდეთ, გააწყვეტინა ფიქრი პირველმა. არა უშავს! მე ვიცი შენი ხასიათის ამბავი და სრულიად არა ვწყრები ცეტი ხარ და ეგ სიცეტე ხერის არ დაგაყრის.

შერიგებული ბაღლინჯოები მეგობრულათ გაუდგენ თავიანთ გზას და რამდენიმე წუთის შემდეგ უკვე თავიანთ შინ იყვენ, კედლის ქუქრუტანაში...

ამ ნაირი დასაწყისი მე არ მომწონს. უბირველეს ყოვლისა მე რეალისტი ვარ და, როგორც რეალისტი, უარ ვყოფ ხელოვნებაში ყოველივე სიყალბეს და სინამდვილესთან უთანხმოებას. აბა, სად გავიხილა ბაღლინჯოების ლაპარაკი? ესეც არ იყოს, ოცდა მეშვიდე საუკუნეში ბაღლინჯოებზე წერა მეტის მეტი თავხედობა და ანარქონიზმია. ბაღლინჯოები დიდი ხანია გადაგვარდენ და მოისპენ. ფრანგებთან, ინგლისელებთან, გერმანელებთან და საზიზღარ რუსებთან ერთათ საქართველოს სტიქიურმა კულტურამ ბაღლინჯოებიც აღმოფხრა. ნადირ მუყიკების და გამოჟიბულ ფრანგების არსებობა შეწყდა: მათ ვერ გაუძღეს ძლიერი მოქიშპის იერიშს, ვერ შესძლეს დევის ნაბიჯით გაქანებულ ქართველთა კულტურის კვალში ჩადგომა. ასეთი ბედი ეწია საერთაშორისო მხეტთ, ყოვლად უგვანო და ყოვლად საძულელ ბაღლინჯოებსაც. „სპარსეთის ფქვილი“ მხოლოდ პალიატივს წარმოადგენდა ბაღლინჯოებთან ბრძოლაში. კაცობრიოა თითქმის სასაწარკვეთილებამ შეიპყრო. ქეშმარიტათ, მიზეზიც იყო სასაწარკვეთილებისა: თავი დავანებოთ და

ნუ მივიღებთ ანგარიშში უბრალო ხალხს, რომელიც ალბათ, ვერც კი ჰგრძნობდა სავეებით ბაღლინჯოთა უჭიფრობას. საქმე კეთილშობილი და განათლებული ხალხია. და აი, რაღაც ყოვლად უგუნურსა და უსუსურ ტალს—ბაღლინჯოს უნდა ეწოვა და ესვა ყოვლად გონიერისა და კეთილშობილი ადამიანის კეთილშობილი სისხლი! შეველა არსად იყო. ყველას დაეკარგა იმედი. ვინ იცოდა, თუ ამ დროს, თბილისის ერთ-ერთ ლაბორატორიაში ჩუმათ, მაგრამ მედგრათ მუშაობდა ჩვენი ცნობილი აღმომჩენი გოჯასპირ ნახველაშვილი. და აი, მაშინ, როცა საერთო სასაწარკვეთილებამ წვერვალს მიაღწია, გაისმა გაბედული და მრისხანე ხმა მეცნიერისა: „სიკვდილი ბაღლინჯოებს!“ ამ გასაკვიფრებელმა აღმომჩენამ მოსპო კაცობრიობის დაუძინებელი მტერი და ამ ნაირათ ქართულმა კულტურამ ფრანგ-ინგლისელებთან ერთათ ბაღლინჯოებიც აღგავა პირისაგან ქვეყნისა. ეს მოხდა, როგორც მოგვხსენებთ, 2123 წლის თებერვალში. მას შემდეგ 5 საუკუნეზე მეტი გავიდა და რა უფლება მაქვს მე ჩემი რომანი ბაღლინჯოებით და ისიც მოლაპარაკე ბაღლინჯოებით დავიწყო. მაშ, ძირს ბაღლინჯოები! მეც თავს ვანებებ ჩენს უცნაურ გმირებს და ვიწყებ მეორე თავს, რომელიც წარმოადგენს ჩემი რომანის ნამდვილს დასაწყისს...
ა. ჯვანა.

(შემდეგი იქნება).



ზაფხულს.

ოჰ... ზაფხულო, სად ხარ ნეტა,
გამახარე მოდი მალ,
თორემ ზამთრის მკაცრ სიცივეს
ველარსად ვერ დავემაღე.
გათოშილა არე-მარე,
ია, ვარდი, მინდორ ველი,
შესწყდა, მინდვრად აღარ ისმის,
ბულბულთ სტვენა სანატრელი.
ხეს ფოთოლი ჩამოსცივდა,
კოკობს აქნობს მკაცრი ყინვა.
სიცივისგან გათოშილის
ისმის ირგვლივ ხალხის გმინვა.
მოდი მალე, რომ ბუნება
აყვავილდეს, გაღიშალოს
და სასტიკი ზამთრის სუსხი
გაჰქრეს ქვეყნად-წაიშალოს.
გ. წყაროსპირელი.

მოხსენება ბათუმშიდან.

კარგა ხანია მას შემდეგ, ჩემო ძვირფასო ეშმაკო, რაც შენთვის ჩემი მოხსენებანი არ წარმომიდგენია. მიზეზი ამისა, როგორც თვით მოგეხსენება, ერთი მხრით შენცა ბრძანდები და, მეორე მხრით მეც. შენ მით, რომ „ეშმაკის მათრახს“ კარგა ხანია, რაც თავი მიანებე (თუ მიგანებებინეს—ეს სულ ერთია), მერე „მათრახი და სალამური“ წარმოგვავლინე, მარა ისევე მალე წარავლინე. ჰო და, რაკ ასე ავეშაულა, ქობულეთლების თქმის არ იყოს, თაფალი, მეც გამიტყდა გული! ვიფიქრე: ცუდათ უნდა იყოს საქმე ეშმაკისა რაკი, მთელი ზაფხული უქმათ ხეტიალში გაატარა მეთქი, ავეღეკი და მიეყუჩდი. მარა რაკი ვიხილე „ეშმაკის მახე“, გული აღარ მითმენს არ ავიღო ხელში ჩემი მათრახი და არ ჩამოუარო ჩემს სამწყსოს.

მარა აქ ერთი მკირეოდენი დაბრკოლება მელობება წინ. ეს დაბრკოლება იმაში მდგომარეობს, რომ სამწყსო აღარ არის. დიახ, პორტის ქალაქი ბათუმი დღეს თითქმის აღარ არის და რაც არის ისიც, მალე აღიგვება პირისაგან შავი ზღვისა. განგებამ აღარ აკმარა ბათუმს, რომ მოსპო მისი აღებ-მიცემობა; მართალია ვაჭრობა-მრეწველობა მოკვდა აქ, მარა სახლები, ქუჩები, მაღაზიები და ამ მაღაზიებში ვაჭრები (ბუზების მთელელად) მაინც დარჩენ. ახლა ამ ნაშთსაც განსაცდელი მოეღოს: დალოცვილი შავი ზღვა გაგვირისხდა და ტალღებს ტალღებზე გზავნის ბათუმის ამოსავლებათ. გიმნაზიის შენობას უკვე მოადგა დასანგრევათ, ბუღვარს კი მოგრძო კუდი შემოაგლიჯა და თუ ასე გაგრძელდა საქმე, მალე ბათუმის მიდამოები შავი ზღვის მოუსვენარ ტალღების სათამაშო არედ გადაიქცევა.

ჰო და სანამ ეს არ მომხდარა, მანამ ნუ მოვაკლებთ ჩვენს წყალობას მიმკვდარებულ ბათუმის არსებათა.

გიმნაზიის შენობა ვახსენეთ და ამ ხსენებამ ბევრი რამ გამახსენა. გამახსენდა, თუ როგორ იხრჩობოდა ბათუმი ყალბ „პატრიოტიზმის“ ბრჭყალებში. ამ ბრჭყალების გავლენას და სიმწარეს დღესაც განიცდის ის. გიმნაზიის შენობას წვით და დავგით ნასესხები 200 ათასი მანეთი შეალიეს. ააგეს შენობა ისეთს ალაგას, სადაც ჰკუთათა. მყოფელი მას თავის დღეში არ ააგებდა. სასწავლებელი ქალაქის შუა ალაგას უნდა იყოს. მიაფურთხეს ამ ქეშმარიტებას და გიმნაზია ქალაქის ბოლოზე ააგეს, სატუსაღოს მეზობლათ. მარა ეს კიდევ არაფერია. ზედ ნაპირზე მიუდგეს შავი ზღვას, რომელიც აღშფოთებ-

ულ ტალღებს გაშმაგებით სცემს გიმნაზიის კედლებს და შეიძლება, მალე სულ მიანგრ-მოანგრიოს.

ამ სასახელო საქმის მომქმედნი უმთავრესი პირნი უკვე განისვენებენ საფლავსა შინა. ვინც დარჩენ, დიდათ არც იგინი განსხვავდებიან მკვდრებისაგან. რა უნდა მოვთხოვოთ ამ მკვდრებს!.. არაფერი!..

ყბად-აღებული საავათმყოფოც ისეთ ალაგას ჩადგეს, რომ ამბობენ იქ ბაყაყსაც კი აცივებსო. ამანაც თქვენი ქირი წაიღოს, რომ ამ საავათმყოფოს საქმე რაიმე საქმეს გავდეს. წინეთ ბატონნი ექიმნი, სანამ წათამამდებოდენ, დღეში ორხელ დიდოდენ საავათმყოფოში; მართალია თავის დროზე არა, მარა მაინც დადიოდენ. მერე, რაკი დარწმუნდენ, რომ აქ უპატრონობას დიდი გასავალი აქვსო, ადგენ და დაადგინეს: ერთხელ ვიაროთ, დილითო. ამასაც შეურიდებოდა კაცი, რომ ზოგიერთ მათგანს იქ თავის დროზე ნახავდე. უფროსი ექიმი „დაჩაში“ ცხოვრობს. თავის დროზეც მას საავათმყოფოში იშვიათად ნახავთ. ეს უფროსი ექიმი საავათმყოფოს დოსტაქარია და თუ ვინმე ავათმყოფს ჩქარი დახმარება სჭირია, მაშინ ხომ ბატონ უფროს ექიმს ვერ იპოვით და ვერა. ასეთი ამბავი მიახმეს: ავათმყოფი საოპერაციოთ გაამზადეს, როგორც იქნა მობრძანდა დოსტაქარი, მარა მალე მატარებლით უნდა გაბრუნებულიყო და ოპერაცია შემდეგი დღისათვის გადასდო. მესამე დღესაც იგივე გაიმეორა. სამჯერ საფლარათო მიაღებინა, მისუსტებულმა ავათმყოფმა ასეთს ტანჯვას უაპერაციოა არაა და თავი მიანება საავათმყოფოს.

ასეთს მშვენიერს წეს-რიგს ბათუმის საავათმყოფოსას დაუმატეთ შემდეგი: ყველა საავათმყოფოებში ექიმების მორიგეობა არსებობს; ასეთი წესი ბათუმის საავათმყოფოშიაც არის, ყველა საავათმყოფოში ნახავთ გამოცდილების შესაძენათ უნივერსიტეტის სკამიდან ახლად ჩამომხტარ ექიმს. ნახავთ ასეთს ბათუმის საავათმყოფოშიაც. და აი, უმეტესი ნაწილი ბათუმის საავათმყოფოს ექიმებისა თავის მორიგეობას „გამოცდილების შესაძენათ“ მოსულს ანდობენ და თითონ კი ერთხელაც არ მორიგეობენ!

რას იზამთ! ხომ გაგიგონიათ: სოფელი ვნახე უძალლოო...

და ასეთ უძალლო სოფელში იგრძნო თავი ექიმმა პაპისოვმა. მოგეხსენებათ, თუ სიკეთე არ წყალობს რუსეთს, ხოლერა და შავი ქირი ხომ თავზე საყრელათ აქვს; იმდენათ ქარბობს ეს სიკეთე კურთხეულ რუსეთში, რომ ყოველ წლოებით ამ სიკეთეს „სამშობლოს აღებ-მიცემობა“ ბლომათ ეზი-

დება დასავლეთ ევროპისაკენ. ადესამ ჩვენს ბათუმს ერთ-ერთი გემით შავი ჭირის ბაცილები შეჰოუფხავნა. ამ ჭირით ამას წინათ აქ ერთი ბავშვი მოკვდა. დაუცურდენ მამები. მოაწვიეს სანიტარულ მეორე ექიმათ ბ-ნი პაპისაჲ. დანიშნეს ვირთხების მქერავი „ოტრიადები“, რაკვით ექსი და ამ „ოტრიადებს“ სათავეში ჩაუყენეს ზემოხსენებული ექიმი. 7 იანვარს აღმოაჩინეს საშველრო საავთმოყოფოში შავი ჭირით ავთმოყოფი სალდათი. კიდევ დაფაცურდენ, მოიწვიეს ექიმები. ვირთხების მქერავ „ოტრიადების“ „ნაჰალნიკს“ ვირთხების დაქერის შესახებ ანგარიში მოთხოვეს.— „ჩემი „ოტრიადი“ ურიგებდა მეფხოებს სავირთხო საწამლავს, მეტი არა ვიცი რაო“.— ასე თქვა „ნაჰალნიკმა“... — „ოტრიადების“ მოქმედებას თუ უკეთებდა კონტროლსო, — შეეკითხეს. — მაგის რა მოგახსენოო, — იყო პასუხი.

აი, ასე შესაბრალოსი ყოფილა უძალოო ქვეყანა!
კვინწარი.



გურული სცენა

ივლიანა ტყავ-შემშპარისის ნაღველი.

რა ახალი წელიწადია, ვაი დედასა, რას მილოცავთ? დაგვესხა ლაფი, გამოგვიტირე მტერმა და მოყვარემ! დედავ, დედავ, საითკენაც გვიქექი იქით წვეიქექი, ყმაი არ მყოლია და მამული. ერთადერთი გაფხეკილი აზნაურობა მქონდა და იმის შერჩენიზა იყო, რომ კირილოვს მეძებარ ძაღლსავით უძროზოდით, ახალთაობა ჩავნარწყით მეთქი! დედავ, თურჲე მერცადე და უყურე შენს სერის: გადასახადებით სულზე მიგვაყენა, მარა ამას ვინ ჩიოდა, აზნაურობა მაინც მაქ მეთქი და ბრეს ვაყრიდი ერთს და მეორეს. კარში რომ გამევიდოდი, ავსწევდი ცხვირს, გავაბზეკდი კუდს და ნაყმევებს თავს არ ვუყადრებდი. დედავ, გვეიხედე გუშხამ და დაგვიბარა ნაჰალნიკმა გაგვისვა ხელი და ქი არ გაგვასწორა ყველაყაი. ახლა გვიბრძანებს პეტრიე მამასახლისი, უნდა წამოგჯე, დაჰაქურდე, ხელში ნაღობარაი, ზოუგში ქეჩანაბადით და გოგია ყაზახთან მთელი ლამე და დღეი უნდა იყუნცულო შუკა-შუკა, რაი და საცხა ფირა-

ლები დატრიხინობსო. ვაი წავხთი, ამას ქვია, ცხენს ვერ შესწვტვენ და უნავირი დაამტვრიესო, მარა იმის მჯავრი ვის აქ, ვაი აზნაურობავ და დეპუტანტ სობრანეის ექესო აბაზო!

დაგვიანებული საახაწლო მილოცვები.

(ფოთკლეს)

გასულსა წელსა ახალი
ნეტავ თუ ემსგავსებოა,
„პოლ კაპეიკი“ იშოვეთ
უმჯობეს რა იქნებოა...
თუმცა ამბობენ, თქვენს ფულებს
წამლათ ვერ გავცებოა,
მარა სანამდე ნიკო გყავთ,
აბა რა გამოჩნდებოა!
უპრავისტების ბნელ კუნჭულს
სინათლე ვერ უდგებოა:
ეშმაკის მახე მათ მახეს
საიდან შეედრებოა.

ოზურგეთს.

ვილოკავ ახალ წელიწადს,
არ დამრჩე განრისხებული,
ხულიგანები ბევრი გყავს
უფლება-ამოკლებული.
ხერს ვერ გაყრის პლატონი
შემთხვევით გათავებული,
რა იქნა ვრცელი გვეგები,
სად არის მიძინებული?

იქავე, სამეურნეო სკოლას.

ტყავ გამძვრალ ხალხის ქანქარი
შენც კარგათ ჩაიჯიბეო,
რა არის შენი მიზანი
ჯერ არვინ იცის კიდეო.
შენგან ვერავინ სარგებლობს,
მაშ რაღათ აგვეკიდეო,
ღმერთმა ინებოს კვალადაც
სულ შენთვის აღარ მკიდეო.

ლანჩუთს.

შენცა გილოკავ ახალ წელს,
გისურვებ იყო ქებული.
სურვილი ერთობ ბევრი გაქვს
და ცოტა ასრულებული...
ნასწავლი ხალხიც ბევრი გყავთ,
ყურ ცქვიტა კუდებ ქიცინა.
სხვა ქვეყანაზე რაუნდათ
ქალებმა თუ გაუცინა,
ერთი გაზეთი რაარის...
ან ფიქრი სამკითხველოზე,

უბეს თუ კარტით გაუმსებ
დაიძინებენ გემოზე...

იქავე, მომრიგებელ მოსამართლეს

ახალსა წელსა გილოცავ
კაცი ხარ პატივ-დებული,
ნამდვილი მომრიგებელი,
სამართლის მკრელი, ქებული;
აღმატებას ვერ გისურვებ,
არ გვექნე მოცილებული,
ნეტავი თლათ იქნებოდე
ლანჩხუთზე შებერებული.

იქავე, საავთმყოფოს

ახალსა წელთან გისურვებ
გამოგეცვალოს ბინაო,
ეჭიმსაც გამოიცვლიდე
ვინ გეყოლება წინაო,
არა და სახელს აფუქებ
ტყუილა გვემადლებიო,
სხვისი განკურენა კი არა,
თითონ სიქაჩლით კვდებოა.

ნიგოითელ ხუცებს

გასულსა წელსა ემდურით,
დაგტოვით დამწუხრებული,
ერთურთი დაგიჩეჩით,
დაგირჩათ გამჟღავნებული.

ვ. გ — ლს


გასულმა წელმა მრავალი
მსუქანი ლუკმა შეგძინა,
ურცხვათა სწევდი ზემსა
სხვა რომ კრემლს ღვრიდა შენ წინა.
დახე წყეულსა ფათერაკს,
ლამის წაგმწარდა ბოლოსა...
ლომო, დაუხმე გონებას,
მასხრათ ნუ იგდებ კოლოსა!!

ე ზ მ ა კ ს

გწყალობდეს წმინდა ვასილი
და მისი თეთრი წვერიო,
„მახე“ რამ მოგაგონია
მაენთა დასაქერიო.
სახელით ეშმაკისათა
მეც შეუდგები საქმესო,
და თუ ვიმრუდო იოტი,
მარჯვენა ჩემი გახმესო.

შხანუღა.

რუსული ოპერა.



ანტ. ეიხენვალდი. მაგრათ დამიჭი, ვასილი მი-
ხაილოვიჩ, თორემ „გაგვეფერი ტრუბაში“



საუკუნე ქალაქი

დასასრული *)

სხვა გზა არ იყო: მეც გავიქეცი ბულვარისაკენ, საიდანაც ახლა საშინელი ღრიალცელი მოისმოდა.

ერთ წუთს ჩამოვირბინე და ჩემს თვალ-წინ შემდეგი სურათი გადაიშალა: მთელი ბულვარი გაქვდილიყო ქუთათურებით, რომელნიც ცხვრის ფარასავით მიჰკროდენ ერთმანერთს, ხელებს ივანოვის ქუჩისაკენ აშვერდენ, საზარლათ იგრიხებოდენ და უზომოთ დატანჯული სახით, რაც ძალი და ღონე ჰქონდათ, მუნჯებივით, გაბმით ღრიალებდენ:

— ააა-ააა-ააა!

მაშინვე მივხვდი, რომ ეს იყო ტანჯვა დაუკმაყოფილებელ ცნობის მოყვარეობისა და ქუთათურისთვის კი ეს ტანჯვა აღემატება ყოველსავე აუტანელ სატკივარსა და ტრილობას. მიზეზი კი მე და ჩემი დახურული ეტლი ვიყავით.

— როდემდე უნდა იღრიალონ ასე?

შემებრალენ და გადავწყვიტე ბოლო მომელო ქუთათურების წვალებისათვის. ეს ჩემთვის ძალიან ადვილი საქმე იყო.

ბაღის გალავანთან მივედი, თავი ბაღში გადავყავი და რაც ამომეტეოდა, დავივიტე:

— ქუთათურებო! ჰეი, ქუთათურებო!

ხმა ძლიერი და ბოხი მაქვს, ასე რომ ვინც ახლო იდგა, პირი ჩემკენ იბრუნა.

— ქუთათურებო!.. დავიღრიალე კიდევ.

ახლა მეტმა მომაქცია ყურადღება და, ვინაიდან გააფთრებით ვყვიროდი და სახეც, უთუოთ, შესაფერათ გააფთრებული მქონდა, ღრიალი შესწევითეს და ყურები დაქვიტეს.

კოტა ხანს შეეჩერდი და როცა ვიგრძენი, რომ მსაფელი ყურადღება ჩემკენ იყო მოპყრობილი, დაკადრიალე:

— ლევ ტოლსტოი ცოცხალი ყოფილა!

ჩემმა ოინმა სავსებით გასჭრა. ჩემ მიერ გამოცხადებული ამბავი ისეთი სენსაციური და არაჩვეულებრივი იყო, რომ ქუთათურების ღრიალი მყისვე შეწყდა, სახე შეეცვალათ და ტანჯვის მაგიერ კმაყოფილება აღებუქდათ. ახალი ამბავი თვალის დახამხამებაში მოედო მთელს ბულვარს და ტანჯვისაგან განთავისუფლებული ხალხი საჩქაროთ დაიშალა.

სალამოს ქალაქში ათასნაირი ხმები დადიოდა.

— გაძლევ პატიოსან სიტყვას, მარწმუნებდა

ერთი ნაცნობთავანი, რომ მე ჩემის თვალთ ვნახე, რიონის სადგურზე, როგორ ჩამოვიდა ტოლსტოი მესამე კლასის ვაგონიდან და ქუთათისის მატარებელში გადმოჯდა...

— მაშ ქუთათისში მოსულა კიდევ! წამოვიდახე მე.

— როგორ არა! განა არ იცი, რომ დახურული ეტლით დადიოდა ქალაქში დილიდან საღამომდე?

— ჰმ! ჩავახველე მე...

მეორეს ტოლსტოი არ ენახა, მაგრამ მაგიერში ჩერტკოვისთვის მოეკრა თვალი ქუთათისის სადგურზე მესამეს ალექსანდრა ლოვონა შეემჩნია დახურულ ეტლში...

ერთს თავის თვალთ ენახა, რომ დახურული ეტლით ვილაც საექვო პირი დასეირნობდა, ქერა და წვრილ-თვალა, „სთავრობის ჯაშუში თუ იყო, ტოლსტოის საზევრავათ გამოგზავნილი“.

მეორე დღეს გაზეთ „Кут. Жизнь“-ში შემდეგი ამბავი იყო დაბეჭდილი.

„დახურული ეტლები.“

გუშინ მთელი ქუთათისის ყურადღება მიიპყრო ერთმა არაჩვეულებრივმა მოვლენამ. დილიდან საღამომდე ქალაქის სხვა და სხვა ქუჩებზე შეხედვლით დახურულ ეტლებს, რომელნიც ელვასავით დაჰკროდენ. ყველა გააკვირვა იმ გარემოებამ, რომ ასეთ მშვენიერ დარში უცნაურ მგზავრებს ეტლები დაეხურათ. არავინ იცოდა, ვინ ისხდენ შიგ და, რა გასაკვირალია, რომ მთელი ქუთათისი მოუთმენლათ ელის ამ ახირებული მოვლენის განმარტებას. ჩვენმა რედაქციამ დანამდვილებით შეიტყო ყოველივე და ჩქარის დაუყონებლივ აუწყოს მკითხველს დაწვრილებითი ახსნა უცხო სანახაობისა.

ჩვენი გაზეთი იმ თავითვე სკეპტიურის თვალთ უტყვეროდა იმ აურ-ზაურს, რომელიც რუსეთის და ჩვენმა გაზეთებმაც ასტეხეს ტოლსტოის „სიკვდილის“ შესახებ. ჩვენ ვგრძნობდით, რომ გენიოსი მოხუცი ასე ადვილათ არ გამოეთხოვებოდა წუთისოფელს და არ ვგჯეროდა მისი სიკვდილის ამბავი, რაც არა ერთხელ გამოვთქვით სხვა და სხვა პირებთან კერძო მუსაიფის დროს. ჩვენი წინათგრძობა გამართლდა: დიდებული მწერლის მიცვალება ტყუილი გამოდგა.

ჩვენმა თანამშრომელმა დანამდვილებით გაიგო რომ ტოლსტოი ცოცხალია და, რაც ყველაზე უფრო მოულოდნელი და სასიამოვნოა, იგი ამ ჟამთ აქ, ჩვენს ქალაქში იმყოფება. აი რა ყოფილა გუშინდელ დახურულ ეტლთა საიდუმლოება. ჩვენ ნამდვილათ ვიცით, რომ პირველ ეტლში იჯდა ექიმი მაკოვიცკი, რომელიც შესაფერ ადგილს ეძებდა

*) იხ. „ეზ. მ.“ № 2.


მსოფლიო გენიოსის დასაბინავებლათ: „შეორე ეტლში ჩეტოკოვს მოჰკრა თვალი ჩვენმა თანამშრომელმა, ხოლო მესამეში ალექსანდრა ლვოვნა შენიშნა. თითონ ტოლსტოი არ დაუნახავს, ვინაიდან მისმა ეტლმა ყველაზე გვიან გამოიარა ქალაქში: მაგიერში იმავე ჩვენმა თანამშრომელმა აშკარათ ვაარჩია მებუთე დასურულ ეტლში მჯდომი, ქერა თმიანი, წვრილ თვალი, საეჭვო შეხედულობის კაცი, რომელსაც თფილისის ქუჩაზე ერთ-ერთი აქაური პოლიციელი შეეგება. მკითხველი ადვილათ მიხვდება ამ ვაჟბატონის ვინაობას“...

იმავე დღეს დავტოვე ქუთაისი, საუკუნო ქალაქი.

თბაკუნა.

შ ა რ ა დ ა.

მინდა ვიამბოთ შარად
ოსტატურ ანაშენები:
სიტურფე-მოხდენილობით
ჟურნალთა დამამშენები,
სიწმინდე-სისუფთავითა
თოვლის შუქ მონაფენები...
სიძნელეს შემოსწამებენ
მხოლოდ ბოროტი ენები,
გონებრივ სიზანტისაგან
„ტუბიკში“ მინაყენები.
პირველი სიტყვა, იცოდეთ
რკინისა იარაღია...
ხანდისხან, ამ ჩვენ ქუჩებში
მისი მოძრავი ბალია,
ეთამაშება მზის სხივებს
ცხოვრება განაღალია!
თითს რო გამოჰკრავ ფეხშიგან
(თუ ჩახმან გამონალია)
ერთს დაიქუხებს, ვასცვეთავს
რაგინდ ვაჟკაცი სალია.
უნდა გაჰკვეთო ეგ სიტყვა
ორ ნაჭრათ, თანასწორათა
ბოლო გადასდოთ, თავი კი
თან გქონდეთ სამახსოვრათა.
შემდეგ მონახოთ ანბანის
უხმოთა შორის დებული...
ქორონიკონით ორია
სამგზობის გადიდებული
(აქ ანგარიშის ცოდნაი
არ დაგჭირდებათ ქებული).
მიადგით ასო იმ ნაჭერს,



რაც შეინახეთ წელანა
და მომიძებნეთ საგანი,
რასაც თაყვანს სცემს ქვეყანა,
რაც ლითონისგან კეთდება
ყვითელია, თუ თეთრია,
რაიც, სიქარბით როცა გაქვს,
შენი ხმა მძლე და მკვეთრია,
შენზე არ იტყვის არავინ:

„ჩვენსა რად შემოეთრია“
გასჭერით ეს სახელიც
შეა წელზე უზოგველათა,
ბოლო ნაწილი იმისი
უცებ მოიგდეთ ხელათა
და გააქანეთ წინანდელ
ნაშთებზე მისადგველათა.

ბოლიშს მოვიტხოვ, რამეთუ
გატანჯეთ, გაგამწარევით!!
(ვინ იცის, ამდენ ფიქრებში
რა ბევრი ოფლი ღვარევით!)
ახლა მოსდექით, იკითხეთ
რაც უკვე მოაგვარევით,
და თუ ნაპოვნი ნაშთები
არ გინძარიათ არევით,
ცისა მიიღებთ „მანანას“
სითეთრით გადასარევით.

მანანა იგი არ არის
ძველისა მისადარები,
იგი ზეციდან მოცვივა
ზამთრის როცა დგას დარები,
არცა საჭმელად ივარგის
არც სხვად არს მოსახმარები
პირიქით, საზარელია,
ცხოვრების გამამწარები.
დაეფინება ქვეყანას,
ვითარცა თეთრი სუღარა,
ცხოვრებას შეჰკრავს, გზას ახშობს,
თუ დროზე აღარ უღარა,
პირუტყვებს ამწყვედევს ბაგაში
შემშილით გამაგულარა,
გარეშე მზისა სხივების
წამალი არა უნდა-რა.

აი დღეს, როგორც ამბობენ,
მთელს იმერეთის მხარესა,
გურია-სამეგრელოსა,
აჭარის მთისა ლარებსა,
ქობულეთს, ართვინს, არდაგანს,
ბათუმს, ზღვით შემონარებსა,
თავს დასწოლია სიუხვით
შიშისა მოჰგვრის ქარებსა,
დალევწ-წალეკას უქადის
სიცოცხლეს გაუმწარებსა.

ვის გაუჭირდეს ანოხსნა
ქკუიდან გადანარებსა?

კოლო

1911 წლის ჰირველი იანვრიდან იწყებს არსებობას ახალი ეოველ-კვირული იუმორისტული ჟურნალი

„ეშმაკის მახე“

„არსებობის დაწყება“ არც ისე ძნელი საქმეა. ჩვენში ბევრი, ძლიერ ბევრი ჟურნალ-გაზეთობა იწყებს ხოლმე არსებობას, მაგრამ... მაგარიც ის არის, რომ ჩვენი ცხოვრების უკუღმართობა უმაღვე უსპობს მათ სიცოცხლეს: ზოგს ბუნებრივის და ზოგსაც ხელოვნური სიკვდილით. კვდება ის, ვინც ტირის, კვდება ის, ვინც იციინის! „ეშმაკის მახე“ სრულიად არ ენატრება სიკვდილი, მაგრამ თუ მას მანც უწერია ახლო აღსასრული, ის ამჯობინებს სიცოცხლეში მოკვდეს; ტირილით კი მას მისი ჭირისუფალნი დაიტვირთებენ. თქვენ იქნება იკითხოთ, ვინ არიან ეს ჭირისუფალნი:

1) პირ მომცინარათ მუხარალნი, თუმც ჭირ-პარამის მუხარალნი.

აკაკი (ჭადარა წელთა მსვლელობათ, ნაქები ენა მჭრელობით). ბენუკა (მესტვირე მხე და კული: გვიან გვიან სწყერს წვეული). ბლიკვაძე (ცხობილი იგავ-არაკით და სტეირის ტკბილი რაკრავით). ეშმაკი (მაცდერი, შოუსუნარი, დაქნდობელი მებენარი). თაგუნა (მეცნიერებით ცხობილი, ჰრფხში გამაწითობილი). კენტი (ბათუმის დარაჯ-მხეკრავი, მოხსენებათა მწერავი). ონისიმე (მემატანე ოდიშის, არ უყვარს მოხდა ბოდისი). პიტნა (მწერალი „გურულ სტენისა, ჰატრთნი მახვალ ენისა). ფონ-ტეფო (მგესლავი ნაკურთხ მამათა: ის არ ასუენის ამათა). შხანკოლა (კვიმატი, ენა ფხახა, ხულიგანთ მისტეს ზიანს

2) ჭაბუპნი, ნორჩნი მბოხანნი, ტკბილ-ხმოვან ლირიკოსანნი:

ნ. ზომლეთელი, თურდოსპირელი, იასამანი, ლეჩხუმელი. მალაქიაშვილი, რუხაძე, ქუჩიშვილი. აა ქაიოსფალნი „ეშმაკის მახისა“! ამიტომაც არ ენიათა მას სიკვდილის სახისა. სიცოცხლეში იგი არ დაინდობა აოავის; ცოდვა მიუძღვის რამე ვის:

| | | |
|----------------------|-----------------|-----------------|
| არ დაინდობს: | ჩინოვნიკებს, | უსამართლოს |
| არც ქურდ, არც ყბედს, | არცა ყმაწვილ | გამოცვეთილს. |
| არც სოფლის ჩარჩს, | კულაბზიკებს, | არც მსახიობს, |
| არც ქველმოქმედს, | არ დაინდობს | არც მომღერალს, |
| არცა მწერალს, | არც პედაგოგს, | არცა უშნო |
| არც ჩაფარს, გზირს, | (რა თქმა უნდა | ლექსთა მწერალს, |
| ვინაც მოჭგვრის | ზოგსა და ზოგს) | არ დაინდობს |
| ხალხს გასაჭირს, | არცა მსაჯულებს, | ის არავის |
| არც მექრთამე | არცა ვეჟილს, | პირში მხელა |
| | | სჭირია ვის. |

და თუ სიკვდილი აუცილებელი იქნება, ისეთ ქელესს გაუმართას თავისს მკაცხველებს რომ ზოგიერთ ქორწილსაც გადააქარბოს.

ვიდრე ცოცხალია, „ეშმაკის მახე“ ეცდება გააუმჯობესოს თავისი ფურცლები, როგორც მხატვრობის, აგოეთვე შინაარსის მხრითაც. ახლო მომავალში ის ელის სურათებს, რომლებიც მტ მიმზიდველობას ძისცემენ მას.

ხელის მოწერა „ეშმაკის მახეზე“ ყოველთვის შეიძლება ზ იმდენი ვალით, რამდენი ვისაც სურს. წლიურათ ღირს 5 მან, ნახევარი წლით 2 მ. 50 კ., სამი თვით 1 მ. 50 კ. ერთი თვით 50 კ.

შემახვევითი კორესპონდენტები წერილებს ამ აღრესით გამოგზავნიან: Тифлисъ, Грибоѣдовская, № 34. Типографія Е. Кереселидзе, для „Эшмакисъ Махѣ“.

ფულიანი წერილი კი უნდა გამოგზავნოს ამ აღრესათ: Тифлисъ. Габаевскіи пер. Типографія „Цховреба“ Аслану Каландадзе.

მესტერიული

(ბაკასთაქას)

დიდი ხანია ბაქოზე
 აღარ დაკრულა სტვირია,
 არ შეუშვია არავის
 იმისი ნაგავ-წვირია;
 არც ეშმაკი გვყავს, არც ქაჯი,
 ორივე გაგვიხდა ძვირია,
 თავი აიღეს ალებმა
 დაგვიდგა გასაჭირია!
 „მუშებს ავაძროთ ტყავიო“!
 ასე გაითქვეს პირია,
 დარი ხომ უდგათ მზიანი
 და რალა გასაკვირია!?

ერთხელ რომ ნიორ-ხახვს ყიდდა,
 კურტნით დაჰყავდა ვირია, —
 დღეს „დიდი ალა“ გამხდარა,
 ბირყის ბატონი, გვირია;
 ვირისთვის თავი დაუკრავს,
 (რა ოხრად უნდა ყვირია)?
 ავტომობილით მიმოჰქრის,
 ცხენებიც აღარ სჭირია;
 ფრაკი იმგვართ უხდება,
 ვით ძროხას უნაგირია,
 ჩაის თუ ხელი მოკიდა
 უნდა დაიწვას პირია;
 ღმერთმა დასწყევლოს ქვეყანა
 რა ქრელი, რა ორპირია,
 ცხოვრების უკულმართობას
 ვერ მოსთვლის ჩემი სტვირია.

ბედმა მოგვხედა ქართველებს,
 აღარ სჭირს ჩვენი მსჯავრია,
 და აწ დაწვს აღარ გვისველებს
 ცხმრე ცრემლების ღვარია;
 ჩვენ არ გაგვანდა ქართული
 არც ჯვარი, არც საყდარია,
 წირვას უცხოთგან ვისმენდით,
 არ გვქონდა სხვა სახსარია.
 ქართულ ხუცესსა ვნატრობდით,
 რომ დაგვემარხა მკვდარია,
 ქართულათ წესი აფგო,
 ქართულათ ეთქვა ზარია.
 დღეს გვისრულდება ნანატრი,
 (მიტომ ვართ განახარია:)

ბაქოში საყდარს გვიშენებს
 ქართველ „პატრიოტთ ჯარია“.
 ქართული ღვდელი გვიწირავს,
 (ცხვრის თავზე სულუხსარია)
 და სულიც გაგვინათლდება
 სიბნელით განამწარია.
 რალს დაგვაკლებს მაცდური
 თუნდ მოსქდეს მთელი ჯარია,
 სულს ვერ წაგვიწყმენდს ეშმაკი
 ჯოჯოხეთს შიგან მჯდარია.

ქართული სკოლის გამგეთაც
 არ აწყენს მესტერიულია;
 (იმათი ქებით ნასიძემ
 წაიღო სული, გულია.)
 მასწავლებელი კარგი ჰყავთ
 „ზაკახათ“ მონახულია,
 ქართულსაც ველარ ახერხებს
 იმ ზომად „განსწავლულია“.
 ბიბლიოთეკაც იქა აქვთ
 მუდამ დღე კარ დახშულია,
 წიგნები შკაფში აწყვია,
 ზედ აძვეს რკინეულია;
 ქართული ჟურნალ-გაზეთი
 იმისთვის უცხო ხილია...
 და „მოსაქმობა“ ამგვარი,
 აქ საქმეთ მონათლულია...



ანდრონიკო.

მოგონება.

ვერ დავივიწყებ იმ ნეტარ დროსა,
 ხომლის სიმშვენით გაბრწყინვალეულს;
 ვესულდგმულობ მხოლოთ ტკბილ მოგონებით,
 მითი ვიმშვიდებ სულს დაობლებულს.

მანსოვს: ცხოვრების დილის კისკასსა
 გადმოეშალა ვერცხლის დალოლნი,
 ლაქვარდ გულ-მკერდზე მთიებნი კრთოდენ
 ვით მარგალიტის ძვირფასი თვალნი.

აყვავებული იმედის მდელი
 ფირუზ ტალღებში შიმოცურავდა,
 სატკბილ-ოცნებო სხივთა ნაკადულს
 თეჭა აშლილი გულში იკრავდა.

გრძნობის მგოსანი ბედის ფანდურსა
 საუცხოო ხმით აწყრილებდა,
 ქებას სწირავდა განახლების ღმერთს
 შარავანდელით რომ ბრწყინვალედა.

ყველა არსებას შვების ჰანგები
 გრძნობის სიმებათ გადაქსოვდა,
 სულის სწრაფვასა ფრთა გაეშალა
 ოცნების ჰუნით ცის იქით რბოდა.


მაგრამ ქვესკნეთის ავსა ძალებსა
 შეშურდათ ჩვენი ბედნიერება, —
 დრაკონის მკლავით გულს ჩაიხვიეს
 ცხოველ მყოფელი მზის ელვარება.
 ამაყსა გმირებს დუშმნის ისარმა
 გული გაუპო ვით მონებს ძლეულთ,
 ველურ ხარხარით ზედ გადაუარეს
 წყვდიადის ქურუმთ გვამთ გაცივებულთ.

იქ, სად იმედის მდელი ყვაოდა,
 დღეს პარტახია შესაზარელი,
 გმირთ აკლდამებზე მკაცრ ქარის ზუზუნს
 მოუთხრობს ბანსა მგესლავი გველი.

აი, ამ დღეთა მოგონებითა
 არ მიძს არ ვღვარო ცრემლი მდულარე,
 არ შემოდლიან არ ავაკენსო
 კაეშნიანათ გული მწუხარე.

ვგოდებ, ვითარცა იერემია,
 მოძმეთ საფლავებს სულთქმით მივსტირი,
 რალა მშთენია სანუგეშო იქ,
 სად მეფობს ზაკვა გულ-გასაგმირი.

დ. თურდოსპირელი



ცხოვრების გზაზე.

არა, არ მინდა აქ მოსვენება,
 შეუჩერებლათ უნდა ვიარო,
 თუნდ ზედ დაქარგულ ნარ-ეკლებითა
 ტანჯული გული დავიიარო.
 ხან ტკბილ ოცნების ფრთებსა შევისხამ,
 მალლა ავიწევე; შორს გავიქრები;
 სიცოცხლის ჩანგზე სიმებს მოვმართავ,

მომღერალს ბულბულს მივედარები,
 ხან სევდა-ნალეგის დავემონები,
 გულს დამიღრღნიან შავი ფიქრები,
 ტკივილსა ვიგრძნობ, გამიჭირდება,
 ჩანგს დამისველებს ცხარე ცრემლები.
 მაინც წინ წავალ, ვერ შემაჩერებს
 ციხე-ბორკილი წინ რომ დამხედება,
 მიყვარს სიცოცხლე მოუსვენარი,
 საფრთხესთან ბრძოლა და გამკლავება.
 ვიცი, ამ გზაზე ძლიერ სტიქიის
 მსრბოლავ ტალღებსაც გადავეყრები,
 გულს გამიხურვებს სრბოლის წყურვილი
 და შიგ უშიშრად გადავეშვები.
 დაე, დავმარცხდე, შეაემა უფსკრულმა
 შთანთქმას ბრძოლაში დასუსტებული,
 არ დავინანებ, არა, სიცოცხლეს...
 მინდა ამ გზაზე ამომხდეს სული.
 არა, არ მინდა აქ მოსვენება,
 შეუჩერებლათ უნდა ვიარო,
 დე, ზედ და ქარგულ ნარ-ეკლებითა
 ტანჯული გული დავიიარო!..
 ერთხელ ხომ მაინც მოვუძღვურდები,
 თავს დამესხმება შავი სიკვდილი
 და ნუ თუ მკვდარსა აღარ მეყოფა
 ცივს სამარეში წოლა... დუმილი!..

ანათემა *).

ა მ ო ნ ა კ ვ ე ნ ს ი.

არა... სანამდის გავყვებით ასე
 წახრილის ქედით, ვით პირუტყვეები?
 სანამ ვიცოცხლებთ ბედის წიხლებქვეშ,
 უღრტვინველები, მორჩილ-უტყვეები?!
 დაოსდა გული, ჩაფერფლდა გრძნობა,
 გატყდა, გარბილდა სიცოცხლის კვესი...
 ჩანგი ჩაქოთდა; სიმებს ასველებს
 ნალევი, ცრემლში ამონალესი.
 უკვე ჩანელდა სამსხვერპლოს ცეცხლი...
 რისთვისღა ჰკლავენ კიდე ზვარაკებს?!
 ქვეყნის სადავეს განაგებს ცოდვა
 და ის სინდისს არ აღაპარაკებს...

*) ზოგიერთ ფოთელ პატივცემულ პირთ საყურადღებოთ ვაცხადებთ, რომ ჩვენს ჟურნალში მომუშავე ანათემა არ არის ის ანათემა, რომელიც ფ-თში მწერლობს თურმე ამ ფსევდონიმით. ჩვენი ანათემა ბაქოელი ანათემაა.

რედ.

რას აჩხრიალებ, იუდავ, მაგ ვერცხლს!!
 სთქვი, რაზე ჟღერის ეგ შენი ჩანგი?
 მითხარ, სამარე რამდენს გაუპე
 და შეაპარე სიკვდილის ბანგი?..

გადიხარხარა...

...მწარეთ სტირიან...

კრემლი არ დასდით... კრემლი გამშრალა...

ყინვა დაჰკვრია ცხოვრების სანთელს
 და აღარ იწვის, ცეცხლი ჩაქრალა...

„ბნელში ვიდოდით“...კვლავ სანამ ვივლით?!
 მარქვით, სად არის ბედის საზღვარი?


სანამდის უნდა ვიაროთ ასე
 და თმენით ვზიდოთ წამების ჯვარი?!

დეე ტაძარზე ჩანელდეს ცეცხლი,
 სხივები მისწყდენ ცხოვრების სანთელს!—
 ჩვენ თვით აღვიგზნათ ტაძარზე ცეცხლათ,
 ჩვენ თითონ შევქნით ჩაუშრეტ კანდელს!..

მაშ, მოახიე სევდის ღრუბელი!
 კვლავ გამოაწრთე სიცოცხლის კვესი,
 დაჰკარ ტალს, ცეცხლი დააფრქვევინე
 და ქვეყნის ცოდვას აუგე წესი!

ფრთა გამოაბი გულის სურვილებს!
 თავისუფლების ნავი დასძარი,
 შეხუთულ ჰაერს მხნეთ დაძგერე,
 გამოიწვიე მრისხანე ქარი!..

ნ. ზაზულაილი



იქ...

მ ა ნ ა ლ ა გ ი

(რუსულიდან.)

დედა, გენაცვალე, საყვარელო დედა! გამიშვი... მომეცი ნება წავიდე... დავიტანჯე, მეტი აღარ შემიძლია...

მოხუცი ხარ შენ ჩემო ერთად-ერთო მეგობარო; შენი მკრთალი პირისახის ნაოჭებიდან ნათლათ და გარკვევით იცქირებიან მარტოობის, სევდიანი

ცხოვრების ტანჯვა-ვაებანი. ზრუნვა-ქაპან-წყვეტამ თეთრი თოვლით შემოსა შენი დაღლილი თავი. სასოწარკვეთილება ელვარებს შენს აღგზნებულ კრემლებში და უტყვი ვედრებით შესთხოვ შენს ქალს: „დაიცადე, ნუ წახვალ, ნუ დამტოვებ ჩემო სული-კოო“...

დედა, ძვირფასო დედა! შენ რომ შეგეძლოს ჩემი დაფლეთილი გულის დანახვა, როგორ მოსწვეთავს სისხლი და როგორ მტკივა ის... გული ჩემი მიილტვის, ფრთხილებს ისე, როგორც ძლიერი და რკინის ფრთებიანი არწივი გალიაში...

არა, მე უნდა წანიდე ჩემო დედიკო!... იქ მივეშურები, შორიდან მეძახის... მეძახის და მიბრძანებს წავიდე...

...დედავ კეთილო, ხედავ კი, გრძნობ კი მთელ საშინელებას! მიმოიხედე რას შვრებიან ისინი... ყური დაუგდე რა ხდება ირგვლივ...

ყველგან ტირილი, ყველგან ტირილი და მწარე კვნესა...სტირის დედა-მიწა, სტირიან მინდვრები და ტყეები, სტირის ცა, ცივი, მძიმე და უნუგეშო კრემლებით. სტირის და მოსთქვამს მთელი ქვეყანა... ისინი კი იცინიან... კისკისებენ მხიარულათ და დამშვიდებით. იცინიან! იცინიან! დედა, ძვირფასო დედიკო, როგორ მხეცურათ ხარხარებენ!...

ყური დაუგდე ბავშვების კვნესას, როცა ღამის უდაბურ, განმარტოებულ ნისლში ქალაქი ჩაიძინებს, ცა დედამიწაზე დაეშვება და სამარისებურ სიჩუმეში ისმენს მოთქმა-გოდებას, ოხვრას და კვნესას, მაშინ ირგვლივ მიმოიფინება ბავშთა კვნესა-ყვირილი, აფრინდებიან ზევით და განმარტოვებით, ობლათ შთენილი, სასოწარკვეთილებით მოსთქვამს პატარა ბავშვების დაფლეთილი სული. და ეს მოთქმა-ყვირილი სძიძგნის ჩემს გულს. არა, მე აღარ შემიძლია მეტის მოცდა, სიცოცხლე ჩემი მოწამლულია...

ძვირფასო დედა! ეს ყვირილი სწამლავს ჩემს გულს... მე აღარ ძალმიძს მეტის მოთმენა. მიმოიხედე ირგვლივ—რას შვრებიან ისინი, რას სჩადიან!...

იწვის სამშობლო მხარე კიდიდან-კიდემდე. წითელი ალით შემოსილია შავი ცა... მიქრი-მოქრიან ცეცხლის და ბოლის სვეტები და მათ შორის ისმის ყვირილი: ეს ყვირილია სასიკვდილო ტანჯვაში ჩავარდნილი ადამიანებისა. ყვირილი იზრდება და ჰგლეჯს შავით შემოსილ ცას... ყველგან ის... მაწვება და თითქოს გაელვარებული შანთით მწვავს მე ის...

არა, მეტი აღარ შემიძლია, აღარ ძალმიძს...

დედა! შენ სტირი! შენი მკრთალი ტუჩები ძლივს ლულლულდებენ: „ნუ დამტოვებ ჩემო ერთად-ერთო შეილო, მე მოხუცი ვარ“... ჩუმი საყვედურით იმუდარებიან შენი თვალები.

ოხ, რომ მქონდეს ღონე... რომ შემწვედეს ძალა თავი დავიმორჩილო ჩემო ძვირფასო დედოცო... რომ შემეძლოს შენს მკერდში ჩაკვრა და ტირილი, რომ გამოვიტირო, გადმოვანთხო დაგუბებული ცრემლთა ზღვა... ცრემლები რომელნიც გულს ლოდვიით დასწოლიან... საწყალი ჩემი გული ცოტას მოიოხებდა...

დედავ მშობელო! ვიცი, რომ შენ ჩემს მეტი შვილი არა გყავს...

შენ მოხუცი ხარ...

სიჩუმეში, გრძელ და შავ-ბნელ ღამეებში მე მარტოკა დიდხანს ვფიქრობდი. როცა შენ ძილი მშვიდ ფრთებს გადაგაფარებდა, მრისხანე დარდებს გარეკდა და შენი ტუჩებიდან ნაზათ და სასოებით ჩემი სახელი გამოისმოდა, ამ დროს მე ვიჯექი და შენი სუნთქვა ფარავდა, ჩემო ძვირფასო დედავ, ჩემს ნუგეშს. როგორც ღამე უდაბნოში—ისეთივე მარტოობა იყო შენი ცხოვრება. როგორც ღამე საესეა საშინელებით უდაბნოში, ისეთივე იყო შენი ცხოვრება... და შენი გზის მანათობელი ერთადერთი ვარსკვლავი მე ვიყავი.

ღამის სიჩუმეში მე მარტოკამ ბევრი ვიფიქრე. დარდი სძიძენდა ჩემს სულს, ჩემი ალერსი და ხვევნა-კოცნა შენსკენ მიისწრაფოდა. ძვირფასო მეგობარო, მშვიდო და დაქანცულო მეგობარო! როგორ უნდა დაგტოვო შენ მარტოკა უდაბნოში?! როგორ უნდა მოვგლიჯო მე ჩემი თავი შენს მკერდს?!!

დედა, დედა! მეტი აღარ შემიძლია... ბასრი და შხამიანი ისრები ესობიან ჩემს ტვინს... დღითა და ღამით. ყოველ დღე და ყოველ ღამე.

შეხედე. ღამემ გაირბინა, შორიდან სინათლის ოქროს სხივები მოცქრიალებენ. ცა ნაზათ და სიყვარულით აღსავსე იცინის... შეხედე, შეხედე!... ისინი მოდიან, ისინი ისევ მოდიან, მოდიან საშინელი და შესაზარნი... საპყრობილეს კარებთან მოდიან... მიდიან და სიკვდილი მიაქვთ... ბორკილები გულის შემზარავათ ჩხრიალებენ...

— ალსდექი! ალსდექი პატიმარო! ალსდექი— მოახლოვდა... ისინი მოდიან, მოდიან! ზარბაზნები უკვე დამზადებულია—ხელი როდი უკანკალებთ...

— შესდექით! შესდექით, რას შერებთ!... რას უშვრებით თქვენ მათ!...

ჩემო ძვირფასო—მე წავალ... მე წავალ იქ, სადაც იბადება ელვა, რომ მტერი მოჰკლას. წავალ იქ, სადაც მტერი მარცხდება. წავალ იქ სადაც ვნახავ ჩემი შეყვარებულებისათვის შურის ძიებას.

მე წავალ იქ... უკან მე გზა აღარა მაქვს...

ნულარ სტირი, დედა! ნუ სტირი ჩემო საცოდავო და მარტოხელა მეგობარო. ნუ იტირებ, გამაგრდი. ეს ასე უნდა მოხდეს. მე წავალ ბრწყინვალე გზით. მე წავალ რომ დავაშრო დედების ცრემლები, რომლებიც დასტირიან თავიანთ შვილებს.

მე გავმაგრდები. ჩემს გულში ნაღველს ადგილს არ მივცემ. შეხედე როგორ მინათებს შორიდან და მესახის მე... მე მივდივარ... მარა ჩემი სული შენთან დარჩება. იყავი მხნეთ და ყოჩაღათ.

...და ჩემი გზის დასასრულს, აუცილებელი სიკვდილის დღეს, შენ, მშობელს მოგიგონებ ბრწყინვალე ცრემლებით გულში, და შენთან გამოფრინდება უკანასკნელი ამოძახილით ჩემი სული...

გან-გან.



ჩამომეხსენი!

ჩამომეხსენი! ნუ ითხოვ ჩემგან ჰანგსა შეგებისას, სასიხარულოს; არც რომანსებს ვთხოვ და არც სონეტებს ვერც არას გიმღერ სასიყვარულოს!

სევდიანია ჩემი ღიღინი, ვითა სიმღერა ობოლ გედისა; ნაღვლიანია სიმთა ქვითინი ვით ღოცვის წყება ღვთისა დედისა!

წადი, იარე... ტრფობის ბაღნარში შეხვდები მეოსანს გულის შეგებისას; ის შეგიყვარებს, მოგიალერსებს, დაგიწავს გვირგვინს ყვავილებისას.

მე კი მძავს თქვენი თვალთმაქცი ტრფობა, თქვენი წეს-რიგი, თქვენი ზნეობა!


კ 1582
1911

ჩემი სატრფო, თავისუფლება,
შარავანდიდით გაბრწყინებული,
და სამლოცველო მისი ტაძარი,
ძველ სენაკივით მივიწყებული.

მაშ, ნულარ ელი შენი გულის თქმის
ჰანგს დამატკობელს, სამხიარულოს,
არც რომანსებს ვთხზავ, არც ყვავილებს ვკრეფ,
ვერც არას გიმღერ სასიყვარულოს!

გ. ქუჩიშვილი.

თფილისის ქართულ გიმნაზიაში



ცივი ზამთრის გამო სასწრაფო გიმნაზიის ორთქლ-მასური ფეხები გაიფიცენ და აღარ მოქმედებენ. ამის გამო მასწავლებელ-მოსწავლენი იძულებულნი არიან თითო ტვირთი შემა წაიძმღვარონ სკოლაში წასვლის დროს.

ლ. ა. ფერილევი
მ. ი. ულინგისა.

1) პირველი სერია „კავკასიის ტიპები“ დაი-
სამეჯერ.

2) მეორე, ახალი სერია მხოლოდ ახლა დაი-
ბეჭდა და იყიდება ა. ი. ბიხოვის სამხატვრო ლი-
ტოგრაფიაში (თიფლისი. Головинский просп. 34).
ვინც ერთად გამოიწერს, აღნიშნულ ფასებზე ბევ-
რი დააკლდება.

რედაქტორ გამომცემელი ბაიოზ ჯაჭვამია.